

Edizione diplomatica

 https://letteraturaeuropea.let.uniroma1.it/sites/default/files/T98r.jpg
Chevaliers Au comenchier de ma nouvelle amor ferai cancon kil men est pris talens (et) proierai aceli qui ieor puis ke del tot li sui obediens. por dieu
 https://letteraturaeuropea.let.uniroma1.it/sites/default/files/T98v.jpg
li proi ne mi soit desdagnans. ains dainst valoir ke par moi soit seruie si en serai plus lies tote ma vie. Ie ne me doit nus tenir a folour.se ie de= sir estre ses biens voillans. puis ke beautes fait deli mireor(et) ens tos biens est chis ente(n) demens. diex com serai en voisies (et) ioiens.se ia nulior vers moi tant sume lie. ke par son gre lose apeller amie. Ie me delit ens lespoir ke ien ai si dochement kil mest souent aus. kele me doinst samor de cuer veri. mais tost men est chis dols espoirs faillis. ke de paur sui mas (et) esbahis. tant dot raison. se ele imet sentente. sans estre ames criem morir en atente. Et non por quant ades la servirai. sans estre ames come loiaus amis. ke nus fins cuers ne doit estre en esmai. puis ke il est en haute amor assis. aius doit penser coment soit deseruis. li tres grans biens ou il amis sentente. ne ia nul iour por mal ne sen repente. Il mest aus ki adroit velt iugier ke nus amans ne doit damors partir. ken poi deure rent ele tel loier ke nus naroit pooir de deseruir.? por cou la voil boinement obeir (et) voil proier a madame honoree ka voc beaute soit pities assamblee. Quens de guelle riens ne puet auanchier. tant com amors celui ki ali bee. entendes siert vostre honors doblee.

- letto 445 volte